

ՀԱՅ ԿՆՈՋ ՀԱՍԱՐԱԿԱԿԱՆ ԻՆՔՆՈՒԹԵԱՆ ՀԱՐՑԸ

Դոկտ. Ռուբինա Փիրումեան

ԵՆԵՐԿԱՅ ԴԱՐԻ ԸՆԿԵՐԱՅԻՆ,
տնտեսական ու քաղաքական լեղա-
շքջումները իրենց դրոշմը դրին
նաեւ կանանց կեանքի վրայ: Կինը
պարտադրուեց լքել իր այսպէս
կոշտած աւանդական կոշտւմը – իր
գաւակների հոգատար դաստիարակ
եւ ամուսնու համեստ կողակից –
դուրս գալ ասպարէզ եւ կերտել մոր,
անկախ ինքնութիւն հասարակու-
թեան մէջ: Այսօր արեւմտեան
երկրներում կմոջ տիպարը բնորո-
շող կարեւոր ազդակներն են համա-
րում, նրա ինքնութիւնը ամբող-
ջացնող տարրերն են կազմում, ոչ
միայն նրա՛յ դերը ընտանիքում այլ
նաեւ նրա ուսման մակարդակը, նրա
դերակատարութիւնը հասարակա-
կան կեանքում եւ նրա զբաղեցրած
դիրքը՝ երկրի աշխատողժի մէջ: Եթէ
կինը յաջողել է արժանատւոր ներ-
դրում ունենալ այս չորս բնագաւառ-
ներում, ապա ուրեմն մա յաջողել է
կեանքում, հասել է լիարժէք դիրքին
մարդկային ընկերութեան մէջ: Իսկ
այս բարձունքին հասնելու համար
կինը խոչընդոտներով լեցուն ճամ-
բայ է կտրել:

Սեւեռի միջև տիրող խտրակա-
նության շաղթահարելու և արդա-
րության ու հասասարության հաս-
նելու պայքարը կնոջ համար դիրքի
չէ եղել: Պայքարը գնացել է ամենու-
րեք՝ երրորդ աշխարհի ամենալեւոտի
երկրներից մինչև բարձր քաղաքա-
կրթության դոջակիր հասարակու-
թյուններում:

19րդ դարու վերջերից արդեն հայ կինը եւս ներքաշուել է այս պայքարի մէջ. ու նախ անճշմարելի փոքրամասնութեան ճիգերով, ապա աւելի լայն խաւերով նետուել է ապարէզ՝ իր արդար կոշտմին հասնելու, հայ հասարակութեան մէջ իր արժանի դիրքը գրաւելու համար:

Պայքարը շարունակում է մնալ աշուր: Հայ կինը, եթե ունի ձգտում բարձրամաշտ, դեկավար դիրքերի հասնելու, պետք է դիմակալի տիրող մտայնությունը, որ արդիւնքն է պատմութեան խորերից եկած, եւ



հայ մարդու ազգային նկարագրի թելադրած աշխարհայեացքը այլա-
կերպող, զանազան գործոնների,
դրանց մէջ մանե իսլամ մշակոյթի
ազդեցութեան: Զէ⁶ որ իսլամ տիրա-
պետութիւնից առաջ, մանաւանդ
հեթանոս Հայաստանում, հայ կինը
եղել է հաւասար, այր մարդու կող-
քին, ուս ուսի մաքառել ու պատմու-
թիւն է կերտել: Իսլամ մշակոյթի եւ
այլ գործոնների պարտադրած
միջակայքում հայ կինը աստիճա-
նաբար վերածուել է ամօթխած,
անհամարձակ, անխօս ու հնազանդ
մի արարածի: Այնքան խորն են եղել
այդ ազդեցութիւնները, որոնց հազիւ
են կարողացել յաղթահարել 19րդ
դարի Զարթօնքի ազատութեան,
ընկերային հաւասարութեան եւ
լուսաւորութեան այնքան գրաւիչ ու
առիւնքնող գաղափարները: Պէտք
էր փոխել ո՛չ միայն հայ տղամար-
դու ընկալումը կնոջ նկատմամբ այլ
մանե հենց ի՛ր, կնո՞ջ ինքնարժեու-
թիւնը, անասկարկ համակերպուա-
ծութիւնը, որոնք ենթադրում էին
ասիմմանսիակ դեր հասարակու-
թեան մէջ:

Շատ բան չէ փոխումս մեկ այսօր: Մեր ընկերությունն մեջ, Սփիռք թէ Հայրենիք, հայ կնոջ վերելքի դեմ բարձրանում են երկու կարետոր խոչընդոտներ: Առաջինը հենց դարերից եկած եւ սովորությունն դարձած իրավիճակը՝ այր մարկանց մենաշնորհեալ դերը դեկավարության մակարդակի վրա՝ պետական մար-

միջներից սկսած մինչև միութիւններ, կուսակցութիւններ եւ կազմակերպութիւններ: Հարցն այնտեղ է, որ եթէ սփիւռքահայութեան մէջ ասեմք տիրական է եղել միջին արեւելեան ազդեցութիւնը, հապա Հայաստանի՞ մէջ: Չէ՞ որ համայնավար գաղափարաբանութեան մէջ կարեւոր հարց էր կանանց ազատութիւնը: Չէ՞ որ ինքը Էնգելսը իր *Origins of the Family, Private Property and the State* ի բազմաթիւ այլ աշխատութեանց մէջ պնդում է սեռերի հասասարութեան վրայ եւ հասաստիացնում, թէ դա իրականութիւն կը դառնայ միայն համայնավար հասարակութեան մէջ: Ուրեմն ինչո՞ւ 70 տարիների համայնավար տիրապետութիւնը գոնէ այս ծիրի մէջ դրական ազդեցութիւն չունեցաւ հայ հասարակութեան վրա: Հայ կիւնը դեռ այսօր էլ մի տեսակ երկրորդ կարգի քաղաքացիի իրավիճակ ունի, լուսանցքային դեր՝ մանուսանդ երկրի քաղաքական կեանքում:

Կայ նաև երկրորդ կարեւոր
խոչընդոտը՝ հենց ի՛ր, կնոջ մէջ:
Մեծ է թիւը այն կանանց, թէ՛ հայրե-
նիքում եւ թէ՛ մանաւանդ սփիւռքում,
որոնց մէջ գոյութիւն չունեն ձիրքն
ու մղումը դուրս գալու ընտանիքի
ապահով միջավայրից ու հասարա-
կական, քաղաքական կամ որեւէ այլ
նպատակի համար, զինուորագր-
ուելով, պայքարելու դրա համար.
սիտի փոխտի իր սեռի «նակատա-
գրին» անձնատուր, իր համար կան-
խորոշուած դերի հետ համակեր-
պուած կնոջ մտայնութիւնը: Եւ դա
կը լինի միակ նախապայմանը 21րդ
դարի առողջ ու յառաջադէմ հայ
հասարակութեան ստեղծման
համար:

Սխալ են կողմնորոշումը այն կանայք, որոնց կարծիքով ընտանիքից դուրս ստանձնած պարտականությունը կամ երկրի աշխատողին մասնակցելը հակասում ու վնասում է մայրական առաքելության:

Գիտական մէկ ուսումնասիրու-

**«Սխալ են կողմնորոշուած այն կանայք,
որոնց կարծիքով ընտանիքից դուրս
ստանձնած պարտականութիւնը կամ
երկրի աշխարհոյժին մասնակցելը
հակասում ու վնասում է մայրական
առաքելութեան:»**

թիւն չորս գլխաւոր բաժանմունքների տակ է դնում երեխաների դաստիարակութեան մակարդակը՝ ըստ մայրերի հասարակական դերի: -

Մայրեր, որոնք հասարակական կեանքում պատասխանատւութիւններ կամ դրսի աշխատանք ունեն ստանձնած են դա կատարում են սիրով ու եռանդով: Իրենց երեխաներին տալիս են լաւագոյն դաստիարակութիւնը: Այդ մայրերի դաստիարակած երեխաները ապագայ հասարակութեան ամենատոկոշ եւ քաղաքի անդամներն են լինում:

Երկրորդ մակարդակի վրայ են երեխաները այն մայրերի, որոնք տանն են մնում եւ միայն իրենց երեխաների դաստիարակութեան են նուիրում:

Երրորդ մակարդակի վրայ են դասում այն երեխաները, որոնց մայրերը պարտադրաբար եւ դժկամակութեամբ մղուած են դրսում աշխատելու եւ դրան շահելու:

Հետաքրքրական երեւոյթ է, որ ամենամաքաւարար դաստիարակութիւն են ստանում այն երեխաները, որոնց մայրերը ամուսնու, ընտանիքի, ամուսնութեան ու հնուց եկած սովորութիւնների պարտադրանքի տակ, հակառակ կամքի տանն են մնում եւ իրենց ուժն ու եռանդը տան սահմանափակ կարելիութիւնների մէջ վատնում:

Մեր ժողովուրդը այսօր ճակատագրական պայքար է տանում գոյատեւելու սփիւռքում, կենաց մահու կոյի է մղում Հայաստանում եւ Արցախում, ազգային վերածնունդ է ապրում ու հայապահպանման մոտ պայքար է սկսել նախկին խորհրդային Սփիւռքում: Իսկ այս համատարած պայքարի ոլորտում, ընկերային հսկայական ուժ եւ կարողութիւն է կուտակուած հայ կնոջ մէջ՝ իբրեւ հաւաքական էութիւն: Հայ կինը ատակ է յեղաշրջելու Հայաստանի ընկերային դրուածքը. նրա ձեռքում է գտնում ո՛չ միայն ապագայ սերնդի դաստիարակութիւնը այլ նաեւ ձեւաւորումը հենց

այսօր կազմաւորուող այն ընկերութեան, որ երբեմնի համայնավար հասարակութեան պիտի փոխարինի: Հայ կինն է, որ մոր հայի տիպարը պիտի կերտի. մոր հայը, որ ո՛չ սփիւռքահայ է եւ ո՛չ էլ հայաստանահայ այլ հենց միայն հայ. Սփիւռքի մէջ՝ հիւրընկալ երկրների հասարակութիւններում յաջողած, բայց միեւնոյն ժամանակ իր ազգային ինքնութիւնն ու Հայաստանի հանդէպ իր յանձնառութիւնը պահած,

**«Սեռերի
միջեւ Գիրող
Խորականութեան
յաղթահարելու եւ
արդարութեան ու
հաւասարութեան
հասնելու պայքարը
կնոջ համար
դիւրին չէ
եղել:»**

Իսկ հայաստանում՝ մշակոյթից, քաղաքակրթութիւնից ու հոգեկան եւ բարոյական բարձր արժէքներից զուրկ միջապաշտ հասարակութեան յառաջացումը արգիւելու ատակ:

Այս դժուարին մարտահրաւերի առջեւ կանգնած հայ կնոջ անհատական մեղրութեամբ բաւարար չի կարող լինել. էական է Հայաստանի եւ արտերկրի կանանց կազմակերպութիւնների դերը, նրանց հաւաքական մեղրութեամբ՝ ծրագրուած, յարատեւ աշխատանքով: Մեծածաւալ այս գործունէութիւնը պիտի ընդգրկի նախ եւ առաջ հայ կնոջ դաստիարակութեան գործը՝ մամուլով, հասարակական հաւաքներով, տեղեկութիւնների, գիտելիքների ժամանակակից համաշխարհային քաղա-

քակրթութեան յառաջդիմութիւնների, մանաւանդ կանանց համաշխարհային իրագործումների ծանօթացումով: Պիտի ընդգրկի կազմակերպուած ճիգ՝ հովանաւորելու հայ կնոջ վերելքը հասարակական կեանքի աստիճաններով, ընդհուպ մինչեւ դեկավարութիւն: Պիտի ընդգրկի քարոզչական աշխատանք՝ շեփորելու համար յաջողած կանանց օրինակները թէ՛ հայ եւ թէ՛ միջազգային հասարակութեան մէջ, թէ՛ ներկայի եւ թէ՛ անցեալի յիշատակումներով:

21րդ դարու սեմին, հայ մոր հասարակութեան ձեւաւորման հրամայականի առջեւ կանգնած, իր 87ամեայ փորձն ու ամուսնոյթն է բերում Հայ Օգնութեան Միութիւնը՝ հայ իրականութեան մէջ կանացի ամենամեծ կազմակերպութիւնը, Հայաստանի եւ Սփիւռքի մէջ տարածուած 180 մասնաճիւղերով եւ միութեան բարձր նպատակների իրագործման գիւտարարութեամբ նուիրելով: Հաւատացած եմ, որ հպարտ ճակատով այս մարտահրաւերին էլ կ'ընդառաջի ՀՕՄը իր ստուար շարքերով եւ գիտակից դեկավարութեամբ: Մեզ մնում է օգնել, զօրավիգ կանգնել տարուող աշխատանքներին: Մեզ մնում է սատարել ՀՕՄին իր մոր առաքելութեան մէջ, այն է՝ Հայաստանի ընկերային ու տնտեսական ահեղի տագնապի մէջ բռնուած հայ կնոջ անաղարտ մկաբագիրը փրկել՝ ներկայ տագնապի ամենածանր բեռը իր ուսերին կրող հայ կնոջ օգնելով, որ չընկրկի, տեղի չտալ, պահի իր հպարտութիւնը, որ իր ներքին տառապանքը չարտացոլայ ո՛չ իր կեցուածքի եւ ո՛չ էլ արտաքին երեւոյթի մէջ, որ ցցուած խոչընդոտները, ծաւալուած դժուարութիւնները եւ ճակատագրական մարտահրաւերները դառնան մղիչ ուժ, մոր եռանդի աղբիւր ու կեանքի նպատակ, որպէսզի ծաղկի հայ ժողովուրդը Հայաստանում ու Արցախում, որպէսզի յալիտեան գոյատեւի հայ ոգին Սփիւռքում ■